



**Aningaasaqarnermut Nunamilu Namminerimi
Pissutsinut Naalackersuisoq
/MAANI**

Ulloq: 23. aug. 2013
J.nr.: 01.31.06/13-00638

**Sisamangornermi ulloq 22. august 2013 Aningaasaqarnermut Akileraartarnermullu
Ataatsimiititaliap aalajangenera pillugu Naalackersuisunut ilisimatitsissut (suliaq nr.
01.31.06/13-00638)**

**Sisimiut eqqaa pillugu Royal Greenland A/S-imut sullissinissamik isumaqatigiis-
summut tapiliussaq**

Naalackersuisut **inassutigaat**,

- Sisimiut eqqaa pillugu Royal Greenland A/S-imut sullissinissamik isumaqatigiissutissaq ilanngullugu nassiunneqartoq akuerineqassasoq.
- Sullissinissamik isumaqatigiissutissami aningaasaliissutigineqartussat 2.600.331 koruuniusut kontomit pingaarnemit 50.01.18-imit, "Ingerlatsinissamik isumaqatigiissutit, tunisassiorfiit"-init, tiguneqassasut.

Aningaasaqarnermut Ataatsimiititaliap oqaaseqaatai

Sisimiut eqqaanni umiarsuarmik tunitsiveqarnermut atatillugu assartuinnermut ingerlatsinermullu aningaasartuutaanerusussat matussuserniarlugit Royal Greenland A/S-imik (RG) sullissinissamik isumaqatigiissuteqarnissamik Naalackersuisut qinnuteqarput. Naalackersuisut malillugit tunisassiorfiit pioreersut saarullinnik aalisartut tunerusutaannik suliarinninnissamut periarfissaat killeqarput.

Aningaasaqarnermut Ataatsimiititaliap maluginiarpaa sullissinissamik isumaqatigiissutissatut missingiusiami ilanngunneqartumi kissaatigineqarmat piffissamut 2013-imi sap. ak. 30-miit sap. ak. 39-imut, tassa 22. juli 2013-imiit atuuttumik, sullissinernut isumaqatigiissuteqarnissaq. Ataatsimiititaliali taamaattoq qinnuteqaat aatsaat ulloq 13. august 2013 tiguua ataatsimiititaliap tullianik ataatsimiinnissaani oqaluuserisassatut. Aningaasaqarnermut Nunamilu Namminerimi Pissutsinut Naalackersuisumit allakkiami oqaatigineqarpoq Naalackersuisut isummernissamut tunngavissiaq Aningaasaqarnermut Ataatsimiititaliamut suliarisassanngorlugu nassiunneqarnissaa ulloq 8. august akuersissutigisimagaat. Naalackersuisulli isummernissaannut tunngavissiaq ulloq 17. juli ullulerneqarsimavoq, taamaattumillu ataatsimiititaliap naatsorsuutigisariaqarlugu suliassap piaartumik suliarineqarnissaa Naalackersuisut pisariaqartissimannigikkaat, naak isumaqatigiissut ulloq 22. juli 2013 atuutilersussagaluartoq. Tamatuma kinguneraa pissusiviusut imaalermata Naalackersuisut Aningaasaqarnermut Ataatsimiititaliamut qinnuteqarmata kingumoortumik ilassutitut aningaasaliissuteqarnissamik, assut akueriuminaatsumik. Tunngavissatut pingaarnertut Aningaasaqarnermut Ataatsimiititaliap siunissami ingerlatassat pillugit qinnuteqaatit kisiisa akuerisarpai, qinnuteqaammilu matumani akuersissuteqarnissamut sunnguamilluunniit immikkut pissutissaasin-

naasumik soqanngilaq, malittarisassap pingaernerup tamatuma sanioqqunneqarnissaanik ataatsimiititaliap akuersissuteqarnissaanut tunngavissiisinnaasunik. Tamanna aamma tunngavilersorneqarpoq Naalakkersuisut suliassamik namminneq annertuumik isorisariaqartumik kinguarsaasimanerannik. Ataatsimiititaliap Naalakkersuisunut kaammattuutigaa nalinginnaasumik isumannaqqullugu qinnuteqaatit ima siusitsigisukkut nassiuuttarnissaat Aningaasaqarnermut Ataatsimiititaliap tamakkuninnga siunissamut atuuttussamik suliarinnis-sinnaqqullugu.

Ataatsimiititaliap ilisimatitsissutigisinnaavaa, ilassutitut aningaasaliissutitut qinnuteqaatitut atatillugu Aningaasaqarnermut Ataatsimiititaliap suleriaasia Naalakkersuisut nalorngissutigissappassuk, ataatsimiititaliap apriliimi 2013-imi suleriaatsini akuersissutigalugulu suliat qanoq ingerlasarnissaannut najoqqutassiat tamanut www.ina.gl-imi saqqummiunniuummagit. Tassani aamma takuneqarsinnaapput ilassutitut aningaasaliissuteqarnissamik qinnuteqaatit ataatsimiititaliami tuaviortumik suliarineqarsinnaaneritut tunngavissarititaasut pillugit paasissutissat.

Qinnuteqaat immini sullissinissamillu isumaqatigiissutissatut missingiut eqqarsaatigalugu taakku tamakkiisuunngitsutut isikkoqarput. Tassani nassuiaatigineqanngilaq RG-mik sullinissamik isumaqatigiissuteqarnissaq ilumut pisariaqartinneqarnerseq, Sisimiuni periarfissat pioreersut killeqarnerata saniatigut. Aningaasaqarnermut Ataatsimiititaliap isumaqarpoq sullissinissamik isumaqatigiissutit ingerlatseqatigiiffiup ingerlanneqarneranut nalinginnaasumik tapiissuteqarnissaq siunertaralugu isumaqatigiissutigineqartariaqanngitsut, kisiannili isumaqatigiissutigineqarsinnaasut suliassap naalakkersuinikkut kissaatigineqartup ingerlanneqarnissaa ingerlatseqatigiiffimmut amigartoorutaassappat, kisiannili aamma tamanna qinnuteqaammi nassuiaatigineqanngilaq. Taamatuttaaq aamma nassuiaatigineqanngilaq sullissinissamik isumaqatigiissummi aningaasat taaneqartut Naalakkersuisut RG-llu qanoq naatsorsorsimaneraat, tassungalu ilanngullugu sullissinissamik isumaqatigiissummut atatillugu saarullit tonsit qassit tulaanneqarnissaat naatsorsuutigineqarnerseq, taamatullu aamma saarullit suliareqqinneqarnissaat siunertaralugu sumut assartorniarneqarnerseq.

Aningaasaqarnermut Ataatsimiititaliap arlaleriarluni Naalakkersuisunut uparuartareerppaa ingerlatseqatigiiffiup sullissinissamik isumaqatigiissummi pisussaaffini naammassinngippagut Nunatta Karsianut aningaasartaanik utertitsisinnaanerseq sunniuteqarluartumik paasineqarsinnaasumillu malittarisassaqaernissaq pingaaruteqarmat. Tamatuma pingaaruteqasusia minnerunngitsumik Arctic Green Foodip (AGF) 2013-ip aallartilaarnerani akiliisinnajunnaarnerata takutippaa. Sullissinissamik isumaqatigiissummi matumani taamaattoq erser-nerluppoq ingerlatseqatigiiffik sunik pisussaaffeqarnerseq, taakkulu naammassineqanngip-pata Nunatta Karsianut utertitsisinnaaneq qanoq naatsorsorneqarsinnaanerseq.

Kontumut pingaernerseq 50.01.18-imut missingersuutitut ilanngussami aningaasaliissutitut tunngavissaatitaasut allanngortinneqarnissaat ataatsimiititaliap ukioq manna siusinnerusuk-ku akuersissutigaa (01.31.06/13-624). Tamannali tunngavigalugu ataatsimiititaliap paasin-nera unaanngilaq aningaasaliissutit tamatuma kingorna nalinginnaasumik assartuiner-sec atorneqarsinnaasasut, kisiannili AGF-ip akiliisinnajunnaarnerata kingorna pissusiul-ersunut taarsiullugu aqqiissutaasinnaasunik allanik nassaarniarnissaq pisariaqartoq. RG-p siusinnerusukkut nalunaarsimaneranut, tassalu ingerlatseqatigiiffiup tunisassiofii atuuttut sullissinissamik isumaqatigiissuteqarfigineqarsimasut 2014-imiit isumaqatigiissutitaqanngit-

sumik ingerlanneqarsinnaassasut, taamatullu aamma tunisassiorfiit RG-mit AGF-ip kingorna Greenland Venturemit tiguneqartut aamma sullissinissamik isumaqatigiissuteqarani ingerlanneqarsinnaassasut, tamanna sanilliukkaanni, taava ataatsimiititaliap paasiuminaatsippaa sooq sullissinissamik isumaqatigiissuteqarnissaq pisariaqartinneqarnersoq. Ataatsimiititaliap Naalakkersuisut qinnuigai nassuiaateqaqqullugit missingersuutitut ilanngussaqaq allanngortitaq qanoq paasinerlugu taamatullu aamma aningaasaliissutit 2013-imut timitaler- neqarnissaat eqqarsaatigalugu sunik pilersaaruteqarnerlutik.

Ataatsimiititaliap ilisimatitsissutigisinnaavaa Naalakkersuisut nutaamik qinnuteqarnissaminik kissaateqarpata siunissami suliassanut taamaallaat atuuttussamik, ataatsimiititaliap naatsorsuutigimmagu qinnuteqaatip tunngavilersorluagaallunili uppersaasorsorneqarsimanissaa, kiisalu sullissinissamik isumaqatigiissutissamut missingiummik erseqqinnerusumik oqaasertalimmik ilaqartinneqarnissaa. Ataatsimiititaliap taamatutaaq naatsorsuutigivaa qulaani immikkoortumi kingullermi ataatsimiititaliap oqaaseqaatai Naalakkersuisut isummerfigissagaat.

Aningaasaqarnermut Ataatsimiititaliap aalajangernera

Qulaani allassimasutut paasinnillugu Aningaasaqarnermut Ataatsimiititaliap Naalakkersuisut inassuteqaatai **akuerinngilai**.

Ataatsimiititaliap Naalakkersuisut qinnuigai ataatsimiititaliap apeqqutaanut akissutit kalaallisut qallunaatullu ullut 21-it qaangiutsinnagit nassiateqqullugit, assilinerat sakkak@ina.gl-imut nassutiitigalugu.

Ataatsimiititaliap sinnerlugu

Finn Karlsen
Ataatsimiititaliami siulittaasoq